

周
禮
完
解

周禮完解卷四

郝敬習

地官司徒下

載師上士二人中士四人府二人史四人胥六人徒六十人

載事也詩云俶載南畝禹貢云冀州既載壘白以其掌治地之事曰載地載物者也師長也王畿四境內授地制貢之事皆掌之

載師掌任土之灋以物地事授地職而待其政令以廛里任國中之地以場圃任園地以宅田士田賈塚田任

近郊之地以官田牛田賞田牧田任遠郊之地以公邑
之田任甸地以家邑之田任稍地以小邾之田任縣地
以大都之田任甸地凡任地國宅無征園廩二十而一
近郊十一遠郊二十而三甸稍縣都皆無過十二唯其
漆林之征二十而五凡宅不毛者有里布凡田不耕者
出屋粟凡民無職事者出夫家之征以時徵其賦

任土以土地分任民而責其賦也物物色分別也地
事卽國中近郊遠郊甸稍縣置等種植之事地職農
牧虞衡等職待政令待征稅也王畿方千里四周各
五百里中央王城爲國中廛里國中市居廛言纏繞

屋地曰廛猶言環堵里居也國中之地皆以分授居民責其賦故曰以廛里任國中舍旁隙地曰場以種蔬菜曰圃卽廛里之園地城外百里曰遠郊五十里內曰近郊有城中貴家富民之宅在曰宅田士仕也仕者常祿之外有圭田孟子云卿以下圭田五十畝賈價也謂近城官地民輸價得種者三等地稅皆在負郭故曰任近郊之地官田授民之餘地屬官而民佃種者牛田爲官養牛者之田實田官賞賜之田出于夫家百畝外者牧田爲官牧六畜者之田四等地稅皆在百里外故曰任遠郊之地公邑謂環百里外

六遂之地比鄉尤遠七萬五千家所受餘地天子使吏治之而佃于民有力者故曰任甸地家邑謂甸外環三百里以分諸大夫采地稍給之曰稍地其餘天子使吏治之收稅故曰任稍地小都謂稍外環四百里以分卿之采地人五十里其餘爲縣縣懸也懸附上國天子使吏治之收其稅故曰任縣地六都謂縣外環五百里以分三公采地及王親子弟人百里當王國五百里之邊疆曰蠻分封之餘天子使吏治之收其稅故曰任蠻地凡任地謂任國中至縣疆六等之地國宅無征謂朝廷官府公廨之地皆無稅市地

園圃二十稅一。以無五穀之利。故稅輕。近郊卽宅田。士田。賈田。遠郊卽官田。牛田。賞田。牧田。遠稅比近稅。加一分有半者。近城地狹。遠地寬。近民勞。遠民逸。近城官多民少。遠郊官少民多也。甸稍縣都四等稅比。遠郊多半分。郊遂之外。其民尤逸也。漆林利重。不耕而獲。故稅比稍甸縣都又加半分。宅不毛者。宅畔牆下不種桑麻。里居也。布卽泉。使出里居之泉。罰不蠶績也。田不耕。謂荒蕪屋。猶家。粟穀也。使出有家者之粟。罰不耕也。無職事者。游惰之民。夫家。一夫之家。使出一夫有家者之稅。罰不務生業也。

按載師任土是書之要術然皆以臆爲說非真已試之規周公之令典也周末嘗一日居中土何緣得行此法卽王制所謂天子畿內九十三國之說而是書分遠近甸稍縣蠻六等置公于外置卿大夫于內鄭氏極其附會尺寸分割求合鑿矣王制天子百里之內以供官千里之內以爲御是書以官田任遠郊公卿大夫都邑皆在六遠外則是供官在千里外而爲御反在百里內不自相戾與徹田而助什一而征詩書論孟有明訓今欲割畿內爲郊遂都鄙地各異稅稅各異等遠多近少園廛漆林之征前此未聞今或

二十稅一或二十稅五孟子所謂輕爲貉重爲桀者也豈先王畫一之法與先王分田制里省刑薄斂勸民力農務本民自勤生未聞有不毛不耕之罰宅不毛田不耕此流亡之民非必盡游惰也而又責以里布屋粟是肉盡而析其骸也說者顧謂憂民之深保民之切豈非以耳食者與據孟子天子地方千里諸侯方百里七十五里今天子千里內分封諸子弟羣臣而諸侯亦有子弟羣臣地少不給於是爲公侯方五百里三百里之說誠如是在國有餘在天下不足不縮其內而務增其外盡海內之地方五百里者

幾非先王所以宰萬國均天下之良法也。鄭謂畿內之地。公食大都百里。卿大夫食稍縣五十里。或二十五里。則是王子弟公卿之地。僅當外諸侯五之一。與孟子云天子之卿受地視侯者不相侔。是書旣謂都鄙各立兩設伍陳殷置輔。則是畿內都家各有卿大夫。與外諸侯同。外諸侯地五百里。其臣皆有采邑。而王卿大夫地僅百里五十里。分其臣不足。不分其臣無以養少。分則內外貧富相懸。豈王者重內臣之意與。勢有必窮。多爲之術而愈敝。故是書之法不可盡用也。

閭師中士二人史二人徒二十八

二十五家爲閭閭師掌收六鄉之稅而以閭名官者
近則易詳少則易核載師任地制賦閭師任民徵賦
二職相資

閭師掌國中及四郊之人民六畜之數以任其力以待
其政令以時徵其賦凡任民任農以耕事貢九穀任圃
以樹事貢草木任工以飭材事貢器物任商以市事貢
貨賄任牧以畜事貢鳥獸任嬪以女事貢布帛任衛以
山事貢其物任虞以澤事貢其物凡無職者出夫布凡
庶民不畜者祭無牲不耕者祭無盛不樹者無槔不蠶

者不帛不績者不衰

人民謂夫家也六畜民家所畜馬牛之類任其力謂
責任以職事如農耕商市之類待政令待賦役也時
徵收成之時然後徵收田稅任農以下卽大宰九職
貢與賦異賦者均地之征取之自上貢者隨地所有
輸之自下賦例取粟布貢雜輸材物九事卽九職而
不言臣妾者臣妾聚斂疏材卽是閒民有職事今言
凡無職卽閒民之不轉移執事而臣妾之不務聚斂
者該其中矣有職者賦其幣餘無職者罰夫布夫布
猶身錢凡庶民不畜以下皆問師勸民之令不耕不

織衣食無從出鄭氏謂罰之非也

縣師上士二人中士四人府二人史四人胥八人徒八十人

王畿外四百里爲縣縣師掌徵郊外都鄙四野之地賦及六服外侯國間壤未封之地屬王朝者皆掌之地廣而賦多故官屬盛于閭師然獨謂之縣師何也縣居稍都中故以名

縣師掌邦國都鄙稍甸郊里之地域而辨其夫家人民田萊之數及其六畜車輦之稽三年大比則以攷羣吏而以詔廢置若將有軍旅會同田役之戒則受灋于司

馬以作其衆庶及馬牛車輦會其車人之卒伍使皆備
旗鼓兵器以帥而至凡造都邑量其地辨其物而制其
域以歲時徵野之賦貢

邦國謂諸侯之國以至郊居之地域自遠至近也萊
牧地澤吏謂都鄙稍甸各有治地之官皆縣師攷課
告于司徒而廢置之軍旅大司馬之事縣師稟受其
法造都邑謂分封王子弟公卿造其邑居辨物辨其
土地之產制域制其封疆之界野之賦貢卽都鄙稍
甸之稅

按是書六鄉六遂內政軍令之法密矣稍甸都鄙地

廣人樂所以經理之者。自載師六等。在地間師九職。任民外闕如鄉遂計民。不過十五萬家而設官大小三萬人。領之何其煩也。都鄙稍甸地。何止十倍鄉遂。而平居夫家人民六畜車輦之稽。及有事軍旅卒伍旗鼓兵器之會。僅一縣師掌之。無乃闕職廢事與。又謂三年大比。縣師考羣吏。詔廢置。及按其目。稍甸都鄙之職寥寥然。豈是書所載官職尚有未盡者與。詳于近而畧于遠。周于內而疎于外。六官三百六十職所經營。止于王畿千里內土地人民財用兵役之事。莫密于鄉遂而稍甸以外疎矣。外而六服愈疎矣。蓋

皆策士偏霸之術。如七國之王。各自爲畿畝。非太平遠畧也。讀者察之。

遺人中士二人。下士四人。府二人。史四人。胥四人。徒四十人。

遺猶饋也。寄也。委寄財物于外。以便饋遺曰遺。

遺人掌邦之委積。以待施惠。鄉里之委積。以恤民之難。阨門關之委積。以養老孤。郊里之委積。以待賓客。野鄙之委積。以待羈旅。縣都之委積。以待凶荒。凡賓客會同。師役。掌其道路之委積。凡國野之道。十里有廬。廬有飲食。三十里有宿。宿有路室。路室有委。五十里有市。市有

候館候館有積凡委積之事巡而比之以時頒之

此主散財施惠之官邦謂鄉里至縣都分人以財曰惠施惠卽恤民以下五者少曰委多曰積鄉里猶鄉居難阨困乏也門關謂王城十二門城外十二關出入皆有稅貢上之餘畱以養死王事者之老與孤郊里猶郊居賓客至郊使者迎勞之費野外都鄙去王城遠有賓客羈畱旅處者則賙之縣都內距王城外距都鄙其委積以待遠近之凶荒道路之委積專爲賓客會同師役而設廬有廬舍可小憇宿可止宿處路室野外露宿之室市交易所聚候館候望之館巡

而比之巡視比齊時頒謂自恤民至待凶荒皆因時給散不屑越不畱難也

按遺人委積至美意也然何獨五百里內有之王政四詎萬里如家六服外不少槩及非所以布大公示無外也據法五十里內三廬一宿一市廬有飲食宿有委市有積千里之內鄉里門閭郊野縣都不知凡幾其爲委積飲食之費甚鉅于何取給鄭援倉人廩人計九穀足國用之餘與職內所謂移用者湊之曰餘曰移非正供非經制所得幾何而堪實此漏卮邪近代驛遞或百里一館一飯之供大者數金今云百

里十食何以給之是故立法易行法難耳

均人中士二人下士四人府二人史四人胥四人徒四十人

均平也掌均六鄉賦役悉久失額如近世飛詭隱漏不平所以均之

均人掌均地政均地守均地職均人民牛馬車輦之力政凡均力政以歲上下豐年則公旬用三日焉中年則公旬用二日焉無年則公旬用一日焉凶札則無力政無財賦不收地守地職不均地政三年大比則大均地政卽地守地職之政地守關市虞衡之屬地職卽

九職農圃等田地之賦力政力役之征公猶官也旬
通作均猶徧也歲儉省役以恤民困凶謂飢荒札謂
疫癘死亡無力政一日亦不用也無財賦盡蠲也不
收地守山澤關市不征也不收地職無賦也如此則
不須均地政若豐年中年無年則猶均之三年大均
稽消長也

按王制亦云用民之力歲不過三日此言平居境內
無事耳若國有大役雖文武周公采薇出車東山徂
征三年後反如版築興作百里之外三日僅達今日
至明日執功又明日代矣何暇復供役苟取給日事

無專成民雖不勞而王事靡盬可謂美意未可爲良法

師氏中大夫一人上士二人府二人史二人胥十有二人徒百有二十人

師氏詔王教國子故以中大夫爲之司徒掌教故師氏屬焉繫載師後者亦先富後教之意

師氏掌以燬詔王以三德教國子一曰至德以爲道本二曰敏德以爲行本三曰孝德以知逆惡教三行一曰孝行以親父母二曰友行以尊賢良三曰順行以事師長居虎門之左司王朝掌國中去聲失之事以教國子弟

凡國之貴遊子弟學焉。凡祭祀賓客會同喪紀軍旅王舉則從聽治。亦如之。使其屬帥四夷之隸各以其兵服守王門之外。且蹕。朝在野外則守內列。

媿善也。國子謂公卿大夫之適子與太子同學守護王宮者。教國子以德行。使左右王。孟子謂在王所長幼尊卑皆善人。卽以詔王也。心得曰德身體曰行德由中行主孝至德純乎道故凝道本于至德敏猶勉也。敏勉不怠則行立故躬行本于敏德孝者良心真切萬善之始心得于孝則自知惡逆之不當爲矣。虎門路寢門畫虎于門王日視朝于路寢門外故師氏

居門左司猶察也。察王聽政之得失。中猶得也。凡國事中道或失道皆掌之以詔王教國子弟。亦以中失教之。貴遊子弟謂王公子弟。遊閒未有官守者皆受學焉。王舉謂王親行則師氏從王聽治。于行在則師氏亦如在朝。居虎門之左。使其屬謂使中士以下四夷之隸。謂秋官蠻隸之類。各以本國兵器服色守王門外。蹕謂止行人。內列謂蕃營內守行宮。

保氏下大夫一人。中士二人。府二人。史二人。胥六人。徒六十人。

保養也。師嚴保安。師氏教以善。保氏護之使安于善。

鄉封鼓舞師保諫救皆教之術司徒之屬以命官所
以爲教職

保氏掌諫王惡而養國子以道乃教之六藝一曰五禮
二曰六樂三曰五射四曰五馭五曰六書六曰九數乃
教之六儀一曰祭祀之容二曰賓客之容三曰朝廷之
容四曰喪紀之容五曰軍旅之容六曰車馬之容凡祭
祀賓客會同喪紀軍旅王舉則從聽治亦如之使其屬
守王闈

文王世子曰師也者教之以事而諭諸德者也保也
者保其身以輔翼之而歸諸道者也養國子以道又

教之藝與容者。藝爲道之器。容爲道之貌。教之游藝脩容。亦養之使適于道也。六藝解見大司徒少儀云。朝廷之美。濟濟翔翔。祭祀之美。齊齊皇皇。車馬之美。匪匪翼翼。美卽容也。又云。言語之美。穆穆皇皇。賓客之容也。玉藻云。纛纛顛顛。瞿瞿梅梅者。卽喪紀之容。暨暨諮額諮者。卽軍旅之容。王闡王宮中巷門。師氏守王中門。保氏守王巷門。以親臣兼守禦之事。以爪牙付諸腹心。道義之臣。可以無肘腋之患矣。

司諫中士二人。史二人。徒二十人。

以言止人曰諫。掌萬民之德行道藝可用者。

司諫掌糾萬民之德而勸之朋友正其行而強之道藝巡問而觀察之以時書其德行道藝辨其能而可任于國事者以攷鄉里之治以詔廢置以行赦宥

同門曰朋同志曰友勸之以朋友使相切劘也可任國事謂可使爲比長閭胥等者攷鄉里之治謂考課比長以上治績也行赦宥謂民有失教誤犯者告于王赦之蓋司諫以教民爲事其巡問觀察如今提學官其行赦宥如今恤刑官也

司救中士二人史二人徒二十人

救如季氏旅泰山子謂冉有弗能救之救掌懲治萬

民邪惡而以救名。卽勝殘去殺意教民之司。非刑獄之官也。

司救掌萬民之衰惡過失而誅讓之。以禮防禁而救之。凡民之有衰惡者。三讓而罰。三罰而士加明刑。恥諸嘉石。役諸司空。其有過失者。三讓而罰。三罰而歸于園土。凡歲時有天患民病。則以節巡國中及郊野。而以王命施惠。

衰惡凶慝過失差錯邪惡之罪甚過失。但衰惡隱而過失形。鄭氏謂過失甚恐非。誅讓言語責讓罰撻擊加明刑。褫其冠飾書其衰惡之狀著于背。嘉石朝士

所掌在外朝門左坐邪惡者于其上恥辱之期滿役
諸司空供匠作之役過失者罪狀已著不加明刑不
坐嘉石旣撻罰則拘禁之以俟改悔天患謂飢荒民
病謂天札以節巡道路用旌節也

調入下士二人史二人徒十人

調和也和息民間怨讐之事禁其相殺者

調人掌司萬民之難去聲而諧和之凡過而殺傷人者以
民成之鳥獸亦如之凡和難父之讐去聲辟去聲諸海外兄弟
之讐辟諸千里之外從父兄弟之讐不同國君之讐去聲
父師長之讐去聲兄弟主友之讐去聲從父兄弟弗辟則與

之瑞節而以執之凡殺人有反殺者使邦國交讐之凡
殺人而義者不同國今勿讐讐之則死凡有關怒者成
之不可成者則書之先動者誅之

過而殺傷謂本無意傷之而傷未至死使民間自相
平釋成平也鳥獸謂傷人六畜亦使人平父之讐謂
殺人之父驅其操刃者使遠避海外避其所殺者之
子也兄弟之讐謂殺人兄弟者從父兄弟謂伯叔兄
弟君之讐眡父亦避之海外主謂所事者如家臣于
大夫家衆于家長主友謂主同志之友視從父兄弟
亦不使同國苟弗避則謂人以瑞節與見殺者之子

弟執其讐人報之瑞節刺圭也典瑞職云琰圭以和難調人和難故有琰圭殺人反殺謂旣殺其父兄復殺其子弟反復也邦國交讐謂所在國人皆得執之殺人而義謂臣子弟報君父兄殺其讐人但使去之不許見殺之家讐之違禁則死鬪怒相爭鬪交怒不可成者書記姓名誅先動者

按報讐之說起于世儒說春秋非春秋本義必如儒者大復讐則世道無寧日矣愚于春秋紀侯大去其國詳之是書調人掌諧和民難甚善然緣飾報讐之說使殺人君父兄者避諸海外避諸他國避諸千里

之外則是司寇之政不行而有罪逋逃者卽免豈先王之法與鄭註殺人而義謂其父母兄弟師長嘗見辱焉而殺之者爲義是何言也父兄見辱子弟遂殺人而槩以爲義則天下之人得保首領者少而讐家子弟殺人者日多但避諸他國千里外則已矣誰憚而不殺人乎使周禮爲政鄭康成爲調人則天下未有不嗜殺人者矣

媒氏下士二人史二人徒十人

媒之言謀也謀合男女二姓之好

媒氏掌萬民之判凡男女自成名以上皆書年月日名

焉。令男三十而娶，女二十而嫁。凡娶判妻入子者，皆書之中春之月。令會男女，於是時也。奔者不禁。若無故而不用令者，罰之。司男女之無夫家者而會之。凡嫁子娶妻入壻，純帛無過五兩。禁遷葬者，與嫁殤者。凡男女之陰訟，聽之于勝國之社，其附于刑者，歸之于士。

判，半也。半合成耦。男女二姓合曰判。成名以上謂子生三月，父名之。媒氏記其所生年月日與名。男子二十至三十皆娶，女子十五至二十皆嫁。判妻卽娶入子，卽嫁娶則此判彼入，皆書之以稽其生育。中春，夏正二月，陽氣發生，令民間男女以禮會合，有故不能

備禮者奔相從不禁重天時權人情也無故謂無他
變故男非三十女非二十時非中春不用媒氏令相
奔有罰然則所不禁奔者過時有故不得備禮者耳
男女無夫家謂鰥夫寡婦司察也察其鰥寡爲配合
入幣納幣純全也帛每匹長二丈從兩端捲至中爲
兩象偶也五兩象五行合十日甲乙爲木丙丁爲火
之類遷葬嫁殤二者愚俗之事夫妻不合葬誤信堪
輿改域別遷男女成人始偶誤信祿命早嫁免殤二
者非禮故禁之男女陰訟奸事也勝國之社卽亳社
亡國社屋之使不受天陽陰訟聽于此以示隱閉惡

宣露也。士獄官司寇之屬歸之士行刑也。

按婚嫁民事宜從便官爲之司。祇滋擾耳。男女生三月皆使入籍于官。殤死又當告除。今歲某甲嫁子明歲某甲娶婦某甲宜嫁不嫁某甲宜娶未娶某甲太早某甲太遲煩擾苛屑不可以理。十室之邑沉四海兆民之衆平昔者越王勾踐報吳急于生齒爲苟且計其躁擾急遽似此男女淫奔不禁鰥寡邂逅苟合但取蕃息不顧人倫非先王之教豈周公之禮遷葬嫁殤鄭謂生非夫婦死從爲遷葬女十九以下未嫁死與男子合葬爲嫁殤此類絕少何用禁。

司市下大夫二人上士四人中士八人下士十有六人
府四人史八人胥十有二人徒百有二十人

貿易之場曰市貨所聚也泉府與民通貨故以大夫
主之

按孟子云市譏而不征則天下之商皆悅而願藏于
其市以市爲利豈周公之法

司市掌市之治教政刑量度禁令以次敘分地而經市
以陳肆辨物而平市以政令禁物靡而均市以商賈阜
財而行布以量度成賈嫁而徵債育以質劑結信而止
訟以賈民禁僞而除詐以刑罰禁競泰而去盜以泉府

同貨而斂餘

次敘分地。謂市地各有次序。如下文二十肆一胥師。十肆一司。號之類。各以大序。分司經理也。陳肆辨物。謂陳設所賣物。各異其肆。如魚市陳魚。米市陳米之類。則市肆平齊矣。禁物靡。禁物靡麗者。則交易有常。好尚不偏。而市價均矣。商行貨。賈居肆。則財用阜盛。泉布流行矣。五穀以量。布帛以度。謹量度以平其價。則儻買者徵召至矣。儻買也。大券曰質。小券曰劑。交易以文券約信。則財物多寡有稽。不妄訟矣。賈民能辨物真贗。使禁其偽。則飾詐者除矣。財貨所聚。強暴

易生以刑罰禁之則盜去矣。泉府受市廛之賦職見
下同貨謂與民通貿易凡市所不售者官出價斂之
民苦于商所貴者官平價賒之八者皆市之政令

大市日昃而市百族爲主朝市朝時而市商賈爲主夕
市夕時而市販夫販婦爲主凡市入則胥執鞭度守門
市之羣吏平肆展成奠定買上旌于思夫以令市市師
泣焉而聽大治大訟胥師賈師泣于介次而聽小治小
訟凡萬民之期于市者辟布者量度者刑戮者各於其
地之敘凡得貨賄六畜者亦如之三日而舉之

爲主言其多者日中爲市至于日昃千家之衆交易

紛紜故百族爲主朝旦則商賈列肆買者未集故商賈爲主日夕商賈閉肆百族人散唯販賣之夫婦朝夕營牟日晏不休故販夫販婦爲主市入謂交易者入市門胥司市胥十有二人鞭度以及刻尺寸于上繫鞭于末執之以守門羣吏胥師以下平肆卽上云陳肆辨物也展視也奠定也展成奠賈卽上云以量度成賈也上旌司市舍前植旌開市則懸之市罷則下之思次市師蒞事之次思者儼若之貌介副也每二十肆設一胥師胥師所舍謂介次副司市也萬民有所期望入市者使皆有定向蓋市井器雜則百務

壅滯。故事各以地分敘辟法也。布泉也。辟布法當輸官泉者。有受泉之處。量度欲較斗斛丈尺者。有量度之處。刑戮訟獄犯罪者。有刑戮之處。各于其地之敘不亂也。得人遺失之物。以地敘置之。如貨置于貨肆。馬置于馬肆。使失者依敘求得。三日無求者。官舉而入之。此皆所謂萬民之期也。

凡治市之貨賄六畜珍異亡者。使有利者使阜。害者使亡。靡者使微。凡通貨賄以璽節出入之。國凶荒札喪則市無征而作布。

珍異謂美味。凡物利于民而市所無者。貴其價以來。

之使阜通害于民而爲奢靡者更其法以抑之使消
歇蓋泉府旣通貨則商賈之權操之自上得以時盈
縮也璽印也節文書凡商賈貨賄自此往自彼來皆
官給印文記其所販貨物至賣處官司驗行如今鹽
引之類歲有凶札則蠲市稅造泉蓋銅無凶年因物
貴鑄泉以濟貧民足國用也

凡市僞飾之禁在民者十有二在商者十有二在買者
十有二在工者十有二在市刑小刑憲罰中刑徇罰大刑
扑罰其附于刑者歸于土國君過市則刑人赦夫人過
市罰一幕世子過市罰一帑亦命夫過市罰一蓋命婦

通市罰一帷。凡會同師役，市司帥賈師而從，治其市政，掌其賣價之事。

僞飾，謂糴飾貨物欺人求售者有禁。民，居民有求于市者。商賈工皆列肆在市，與民交易者，民之僞飾欺市者，十常二。市之僞飾欺愚民者，十常六。或商或賈，或工，民皆有所資取而皆受其欺，則是民欺市者一，而受市欺者三。市所以不可無司，司市所以不可無刑罰也。凡市刑，小則懸示責讓，曰憲罰；中則以告于衆，曰徇罰；大則鞭撻之，曰扑罰。其附于重刑者，以歸于司寇之士。古者前朝後市，天官內宰佐后立市，祭

用陰禮刑人者于市趨利者于市士君子無故不入市遊觀假如諸侯入市必有名既過刑人之處則赦刑人可也君夫人過市衆目所屬而不自遮蔽罰一幕可也世子罰一帟可也小幕曰帟卿大夫士過市罰一蓋可也惡其不蓋藏也卿大夫士妻過市罰一帷可也亦惡其不掩覆也王之會同與師役大衆所聚商賈必從故司市帥賈師往治其事市司卽司市○按王城遠人所歸往百貨所聚輦轂之下效尤潛匿故不可無市官司之若夫因緣爲利操商賈之權以徼三倍先王不爲耳孟子云市廛而不征法而不

塞則天下之商悅而願藏于其市。今謂衆府同貨，
餘是官自爲賈矣。辟布是官稅商衆矣。通貨賄以重
節，是官制其出入矣。亡使之有利，使之阜，害使之亡
靡，使之微，無征則作布皆後世巧取力索，賣貴買賤
之術。漢之桑弘羊、孔瑾謂不加賦而國用足，蓋原于
此。司市一職爲小人言利之祖，焉可以誣周公。誤天
下後世無窮乎。

按鄭解僞飾十二引王制不粥于市之文以求合四
十八之數，拘陋之甚。

賈人中士二人，下士四人，府二人，史四人，胥二人，徒二

十人

質平也平市中物價

按有司市則質人可省

質人掌成市之貨賄人民牛馬兵器珍異凡賣債者質劑焉大市以質小市以劑掌稽市之書契同其度量壹其淳制巡而攷之犯禁者舉而罰之凡治質劑者國中一旬郊二旬野三旬都三月邦國暮期內聽期外不聽成平也人民謂奴婢珍異謂美食質劑契券也兩簡爲一札合刻其旁分執以爲信大市重貨小市小物大券曰質小券曰劑市之書契卽質劑民間曰質劑

官府曰書契淳制解見天官內宰職巡視也攷較勘也舉發覺也賣價不平者近則一旬二三旬遠則三月朞年以質劑來訟受而聽之過此不聽城內曰國中城外曰郊郊外曰野邊鄙曰都外諸侯曰邦國聽問斷也

廛人中士二人下士四人府二人史四人胥二人徒二十人

掌市稅市居迫狹曰廛

廛人掌斂市紬次布總布質布罰布廛布而入于泉府凡屠者斂其皮角筋骨入于王府凡珍異之有滯者斂

而入于膳府

紬布列肆之稅紬次也布泉也列肆曰次一肆曰總下文肆長斂其總布是也質布治質劑者所罰之泉罰布犯市禁者之罰泉廛布市地稅泉屠者殺牛羊犬豕諸禽獸者珍異四時食物美者賣而不售畱滯市中則買以供王之膳他物可知卽司市同貨斂賒無者使有之術

按廛入市稅屠沽酒肆搜括無遺衰世之法復何疑乎

胥師二十肆則一人皆二史賈師二十肆則一人皆二

史司競暴十肆則一人司稽五肆則一人胥二肆則一
大肆長每肆則一人

胥師衆胥之長商舍曰肆每二肆一胥二十肆則十
胥胥師一人領之賈師司物價司競禁暴亂司稽察
姦宄胥主巡視肆長主陳設

按質人以下皆司市之屬商賈藏于市者幾何官多
役冗今煩賦重公庭之廡養與交易之愚氓互相雜
蹂而不被侵漁者未之有也

胥師各掌其次之政令而平其貨賄憲刑禁焉察其詐
僞飾行儆愚者而誅罰之聽其小治小訟而斷之

胥師所領各二十肆。故云各掌其次。憲刑禁懸示刑。罰禁令飾行。粧飾行事。債。懸。售。賣惡物。

賈師各掌其次之貨。賄之治。辨其物而均平之。展其成而奠其賈。然後令市。凡天患禁賣債者。使有恒賈。四時之珍異。亦如之。凡國之賣債。各帥其屬而嗣掌其月。凡師役會同亦如之。

賈師職見前。每二十肆一人。故各掌其次。展成陳其量度。奠賈定其物賈。天患謂荒札穀米棺槨之類。價高則有禁。國之賣債爲官買賣物。各帥羣賈更代直月。以均勞佚。王有師役會同從行。亦爲國買賣。相更。

代

司曉掌憲市之禁令。禁其闕詔。衆者與其說亂者出入相陵犯者。以屬遊。飲食于市者。若不可禁。則搏而戮之。職見上。每十肆一人。憲懸示也。屬遊羣遊。禁羣飲食。妨叢姦也。不羣則不禁。不可禁。則擊殺之。

司稽掌巡市而察其犯禁者。與其不物者。而搏之。掌執市之盜賊。以徇。且刑之。

職見上。每五肆一人。不物。謂物色非常。

胥各掌其所治之政。執鞭度而巡其前。掌其坐作出入之禁令。襲其不正者。凡有罪者。撻戮而罰之。

職見上。每二肆一人。鞭度解見司市前。肆前坐作出入之禁令。謂坐起有常。出入有節。不正謂作諸奇袤不法事。襲掩捕也。

按司職禁羣飲。司稽察不物。胥巡襲出入有罪。輒戮。皆秋荼凝脂之令。必行此也。市人重足而立矣。肆長各掌其肆之政令。陳其貨賄。名相近者相遠也。實相近者相爾也。而平正之斂其總布。掌其戒禁。

職見上。每肆一人。陳其貨賄。謂各分別陳設。名相近。謂物貴賤本異。而其名相類。則別陳而遠之。勿以賤混貴。若名不相似。實相近者。陳之使邇。以示其同。使

貴賤美惡得所則民不受欺故曰平正總布謂一肆之稅斂肆長斂

泉府上士四人中士八人下士十有六人府四人史八人賈八人徒八十人

泉錢也流通不竭之稱

按此職專爲征市商而設秦漢以來言利事始作俑矣

泉府掌以市之征布斂市之不售貨之滯於民用者以其賈買之物揭而書之以待不時而買者買者各從其抵都鄙從其主國人郊人從其有司然後予之凡賒者

祭祀無過旬日喪紀無過三月凡民之貸者與其有司
辨而授之以國服爲之息凡國之財用取具焉歲終則
會其出入而納其餘

市之征布卽廛人所斂紬總以下五等之布入于泉
府者有不售之貨畱滯于市切于民用如布帛菽粟
之類官以所值價買之每物書其值標楊之以待民
不時急買者令出本價而已抵抵同本也都鄙遠人
來買者從彼都之主國中與鄉遂人來買者從鄉遂
有司爲之先然後予之防姦商詐販也賒謂貧民有
急無財現買官以物賒之爲祭祀賒者限旬日爲喪

紀賒者限三月葬後各以原價償官不責其息貸謂
民借貸者與所轄有司辨認其人實予之償本外其
子息依國稅什一如貸萬錢者暮出息千貸千錢者
暮出息百取具謂取給于泉府納其餘謂每歲支用
有餘納于職幣待別用也

按泉府之職專爲征商聚斂設國家經費自有常賦
今取具于市之征布九貢九賦將焉用据其事斂滯
賒貸以爲便民然行之不善流毒不可勝言以不售
之滯物久藏于官必多朽敗而責問原價官以爲輕
民以爲重矣有急告買先控于有司則不勝守候畱

難之苦及限滿不能償則追呼督捕叛主亡命禍且不測故曰一法立百弊生善養民者不必求利之慎勿害之而已矣

司門下大夫二人上士四人中士八人下士十有六人府二人史四人胥四人徒四十人每門下士二人府一人史二人徒四人

掌守國門幾而征

司門掌授管鍵度以啓閉國門幾出入不物者正其貨賄凡財物犯禁者舉之以其財養死政之老與其孤祭祀之牛牲繫焉監門養之凡歲時之門受其餘凡四方

之賓客造焉則以告

籥曰管以啓鍵牡曰鍵以閉門授謂晨啓授管昏閉授鍵國門王城十二門幾微察也不物物色非常也正征同凡貨賄出入皆征其稅犯禁謂所不當賣之物如王制用器不中度之類舉之謂沒官其財謂所征所舉之財卽遺人職云門關之委積是也死政之老與孤謂死王事者之父母與子祭祀之牛牲卽充人職云散祭祀之牲繫于國門使養之者城門多隙地可爲牢也監門門徒歲時之門謂歲時祈禳祭門監門受其祭祀之餘以酬其養也造至也以告告王

司關上士二人中士四人府二人史四人胥八人徒八十人每關下士二人府一人史二人徒四人

界上門曰關王畿四面五百里郊外境上各有關關有稅

司關掌國貨之節以聯門市司貨賄之出入者掌其治禁與其征廛凡貨不出於關者舉其貨罰其人凡所達貨賄者則以節傳出之國凶札則無關門之征猶幾凡四方之賓客斂叩關則爲之告有外內之送令則以節傳出內入之

國謂王城內貨商貨節璽書司市職云凡通貨賄以

璽節出入之是也。璽門市謂司市給璽節通之門。門
驗節通之關。參相聯也。貨賄出入謂自內出自外來
者。征謂出入之稅。廛謂關前有市。邸舍有稅。貨不出
于關。謂說道避稅者。舉其貨入于官。撻罰其所達
貨賄。謂商貨出入過關者。皆以本關文書傳而出之。
傳移文傳達也。斂叩同。猶謁也。爲之告。告王也。外內
之送令。謂王使出與諸侯使入。凡有旌節送至關者。
以關節傳送出內之。

按古者門關之設備非常也。是書但言貨賄出入而
防禦畧不及。孟子云。古之爲關也。將以禦暴。今之爲

關也。將以爲暴。豈周公制禮而有爲暴之政與。

掌節。上士二人。中士四人。府二人。史四人。胥二人。徒二十人。

節猶信也。凡行者所執之信皆稱節。遠行通關必以節。無關則否。

按自司門以下三職皆行地之事。故屬地官。

掌節。掌守邦節而辨其用以輔王命。守邦國者用玉節。守都鄙者用角節。凡邦國之使節。山國用虎節。土國用人節。澤國用龍節。皆金也。以英蕩輔之。門關用符節。貨賄用璽節。道路用旌節。皆有期以反節。凡通達於天下。

者必有節以傳輔之無節者有幾則不達

邦節卽下文玉角等辨其用卽辨下文守邦國出使等用節以王命授王命非節不達故曰輔守邦國謂分封外諸侯五等之命圭皆用玉守都鄙謂分封畿內王子弟公卿大夫采邑之節皆用犀角邦國之使節謂王使適諸侯授節爲信山多虎平土多人澤多龍各象其國土爲節三品皆以銅而其文別英美石蕩蕩同竹也輔之謂雜用竹石鄭謂蕩作帑畫函以盛節門關司門司關之節刻竹爲符貨賄謂司市之節璽印章道路謂遠行道上所建節揭竿懸羽旄于

上爲旌。凡授節。反報有限期。防假借。別通也。傳移文也。以傳輔之者。旌節爲信。又有文書送之於其所往。幾察也。

遂人。中大夫二人。遂師。下大夫四人。上士八人。中士十有六人。旅下士三十有二人。府四人。史十有二人。胥十有二人。徒百有二十人。

邦畿百里內曰郊。郊分六鄉。大司徒統之。二百里曰遂。遂卽甸。六遂之地。外連都。疆遂人掌之。爵中大夫。當小司徒。遂師。下大夫當鄉師。官卑一等。避大司徒爲主也。六鄉爲正。六遂爲副。事體相似。副之以遂大。

夫等職亦猶大司徒副以鄉大夫也。上士以下官屬皆與鄉同。

遂人掌邦之野。以土地之圖經田野。造縣鄙形體之灋。五家爲鄰。五鄰爲里。四里爲鄣。黃五鄣爲鄙。五鄙爲縣。五縣爲遂。皆有地域。溝樹之。使各掌其政令。刑禁。以歲時稽其人民。而授之田野。簡其兵器。教之稼穡。

郊外二百里至五百里。甸稍縣都之地。通謂之野。圖形勢。經畫界。鄰里鄙縣遂。卽比閭族黨州鄉之灋。而異其名。所以寄軍令也。鄉言軍法。而遂不及。遂言田制。而鄉不及。互見也。各掌其政令。謂鄰長以上至

遂大夫平居各爲官長有事卽其將帥

凡治野以下劑致阡萌以田里安阡以樂昏擾阡以土
宜教阡稼穡以興勸利阡以時器勸阡以彊予任阡以
土均平政

劑約也均調之意下劑謂酌量下則制賦壤有上中
下調其輕者以召致農氓阡氓同無知曰阡里居也
樂昏宴樂昏姻有室家則民易馴援馴也土宜如高
宜黍卑宜稻之類播曰稼斂曰穡勸助也二十五家
助耕公田以其粟備飢荒見里宰旅師職時謂及時
器謂耒耜錢鏹之類民有餘力曰彊詩云侯彊侯以

一夫之家有餘力。則多予之田。如餘夫之類。土均職見後。均地守地事地貢者。

辨其野之土。上地中地。下地。以頒田里。上地。夫一廛。田百畝。萊五十畝。餘夫亦如之。中地。夫一廛。田百畝。萊百畝。餘夫亦如之。下地。夫一廛。田百畝。萊二百畝。餘夫亦如之。凡治野。夫閒有遂。遂上有徑。十夫有溝。溝上有畛。眞百夫有洫。洫上有涂。千夫有澮。澮上有道。萬夫有川。川上有路。以達于畿。

上地。卽大司徒職云不易之地也。中地再易。下地三易。里居宅。卽廛。萊荒田。以牧養六畜。取草糞田者。上

田不易。故萊少。一易再易。故萊多。餘夫謂一家七八口以上可任者。皆餘夫。蓋一夫受田百畝。此大率耳。非限一家以定口也。假如一家七十口。自家長以下七口外。餘上地之夫九。皆計夫授田之類。田百畝曰夫。夫間有水道曰遂。遂上有小路曰徑。十夫者。二鄰之田千畝。有溝。溝上有畛。溝大于遂。畛大于徑。百夫者。一鄰之田。有洫。洫上有涂。洫大于溝。涂大于畛。千夫。二鄙之田。有澮。澮上有道。澮大于洫。道大于涂。萬夫。四縣之田。有川。川上有路。川大于澮。路大于道。路容三軌。道容二軌。涂容一車。遂從溝橫。洫從澮橫。九

澮而川周于外。爲地方三十三里。少半里。詩云。終三十里。十千維耦。此一川之地也。遂溝洫。澮皆入于川。徑畛涂道。皆會于路。畿謂邊界。自二百里達于五百里也。

按遂人此法。亦未言鄉遂用貢。都鄙用助也。小司徒云。經土而井。牧其田野。九夫爲井。四井爲邑。是遠近皆主于井也。但地勢有高下。故有牧有萊。五十畷百畷。二百畷者。不必井相連也。計口有衆寡。故有五人六七人。餘夫彊予。不必一家百畷也。古之爲井田。行助法。通融如此。世儒執十夫千夫溝洫之說。以爲貢。

必方里八家九區乃爲井。不知遂人之溝洫。正其所
以爲井。而十夫百夫千萬夫者。舉大槩形體耳。豈必
地皆平原。田皆成川。川皆相屬也邪。

以歲時登其夫家之衆寡。及其六畜車輦。辨其老幼廢
疾。與其施舍。以頒職作事。以令貢賦。以令師田。以起政
役。若起野役。則令各帥其所治之民而至。以遂之大旗
致之。其不用命者。誅之。凡國祭祀。共野牲。令野職。凡賓
客。令脩野道。而委積。大喪。帥六遂之役。而致之。掌其政
令。及葬。帥而屬六綽。及窆。陳役。凡事致野役。而師田作
野民。帥而至。掌其政治禁令。

歲時登記夫家與小司徒法同。施徵役舍免役。頒職頒九職作事。作九職之事。貢賦卽九貢。九賦政役卽征役。起野役有事起六遂之衆。則遂大夫縣正以下各帥其所治之衆。至于役所。凡六畜供自遂曰野牲。供薪炭之類曰野職。六綽卽六緋。屬牽也。王柩六引。六鄉六遂之衆遞牽。下棺于壙曰窆。背碑負繩陳列其衆使不亂也。凡事以下總結之言。

遂師各掌其遂之政令戒禁。以時登其夫家之衆。寡六畜車輦辨其施舍。與其可任者。經牧其田野。辨其可食者。周知其數而任之。以徵財征作役事。則聽其治訟巡

其稼穡而移用其民以救其時事。凡國祭祀審其誓戒
共其野牲入野職野賦于王府賓客則巡其道脩庀其
委積大喪使帥其屬以幄帟先道野役及窆抱磨共丘
籠及蜃車之後軍旅田獵平野民掌其禁令比敘其事
而賞罰

遂師職見上下大夫四人分掌六遂故曰各掌其政
令辨其可食謂辨其地之可耕者財征謂賦役移用
其民謂轉相佐助救時事謂公私有急相救濟誓戒
謂大祭祀冢宰誓百官大司寇泣誓百官戒百族六
遂遠故審聽之而供其犧牲野職野賦如角人以時

徵齒角羽人以時徵羽翮。掌葛以時徵絺綌。草貢之材皆于山澤之農。王府王玩好之藏。幄帟解見天官。幕人職。墓所設神座。故先以待用。道野役謂引道六遂之衆抱磨。封墳用輓磨。礧使平。抱親執也。丘墳也。龍盛土器。屨車載棺車。四輪迫地行似屨。曰屨車。及墳脫之平野民。平正六遂衆民之行伍也。

按鄭註磨作歷。謂執綽人衆抱版歷數之。史記年表磨侯作歷侯。附合解。

遂大夫每遂中大夫一人。縣正每縣下大夫一人。鄙師每鄙上士一人。鄉長每鄉中士一人。里宰每里下士一

人鄰長五家則一人

六鄉有公爲老而鄉大夫用卿六遂無老而大夫亦無卿蓋鄉近遂遠鄉正而遂副也

遂大夫各掌其遂之政令以歲時稽其夫家之衆寡六畜田野辨其可任者與其可施舍者以教稼穡以稽功事掌其政令戒禁聽其治訟令爲邑者歲終則會政致事正歲簡稼器脩稼政三歲大比則帥其吏而興亡明其有功者屬其地治者凡爲邑者以四達戒其功事而誅賞廢興之

可任者謂上中下家可任之人數施舍見前功事卽

六畜田野之事令爲邑。謂畿疆五百里內凡公邑私邑之吏。遂人皆得令之會計其治邑之政而致其事于遂大夫。帥吏興。亦如鄉大夫以賓禮興賢能獻于王。明有功。鄰長以上吏有功者舉之。屬其地治。謂聚衆吏申勅之。四達自遂大夫達縣正。縣正達鄙師。鄙師達鄒長。鄒長達里宰。里宰以下無爵。故止言四。鄭謂夫家車輦稼穡兵械四。恐非。

按鄉與遂其法內外相似。而遂人頒田里外達于畿。則六遂之地何啻數倍于鄉。遂大夫之令凡爲邑者皆得會。而設官又不少加。其目亦不詳。是書所以密。

于近疎于遠也

縣正各掌其縣之政令徵比以頒田里以分職事掌其治訟趨促其稼事而賞罰之若將用野民師田行役移執事則帥而至治其政令旣役則稽功會事而誅賞

二千五百家爲縣縣正職見上六遂縣正凡三十人皆下大夫趨促通催督也用野民以下皆軍政縣正卽一師二千五百人之帥移執事移民轉相助

鄙師各掌其鄙之政令祭祀凡作民則掌其戒令以時數其衆庶而察其姦惡而誅賞歲終則會其鄙之政而致事

五百家爲鄙。鄙師職見上。六遂鄙師凡一百五十人。皆上士。作民謂興役。媿惡猶善惡。致事致其職事于鄉大夫。

鄮長各掌其鄮之政令。以時校登其夫家。比其衆寡。以治其喪紀祭祀之事。若作其民而用之。則以旗鼓。兵革帥而至。若歲時簡器。與有司數之。凡歲時之戒令。皆聽之。趨其耕耨。稽其女功。

百家爲鄮。鄮長職見上。六遂鄮長凡七百五十人。皆中士。簡器簡閱兵械。戒令遂大夫之戒令。犯戒令者。鄮長聽斷之。女功謂絲枲。

里宰掌比其邑之衆寡與其六畜兵器治其政令以歲時合耦于耜以治稼穡趨其耕耨行其秩敘以待有司之政令而徵斂其財賦

二十五家爲里里宰職見上六遂里宰凡三千人皆下士耜言助也助耕官田每里有官田借二十五家耕種收粟以備飢荒旅人斂之秩敘謂二十五家耜耕之次敘

鄰長掌相糾相受凡邑中之政相贊徙于他邑則從而授之

五家爲鄰鄰長無爵職見上六遂鄰長萬五千人糾

舉察受寄託邑中之政。謂官府之徵求。五家相助。徙謂五家中有遷移者。則鄰長從行。而親付于其所遷之鄰里。

旅師中士四人。下士八人。府二人。史四人。胥八人。徒八十人。

旅師掌斂散之事。猶今義倉。旅新徙之衆。以其掌新。忙謂旅師。遂有旅師。猶鄉有閭師也。旅師專司斂散。閭師專司勸課。互見也。

旅師掌聚野之勑粟。屋粟。閭粟。而用之以質劑。致民。平頒其興積。施其惠。散其利。而均其政令。凡用粟。春頒而

秋斂之。凡新阡之治，皆聽之，使無征役，以地之墾惡爲之等。

野謂遂、勸、粟、里、宰、合耕之勸田所入粟，屋粟、載師所罰不耕者之粟，閒粟，罰閒民無職事者之粟，旅師皆聚而掌之，質劑致民，使民立券稱貸，興發也。孟子云：興發補不足，司稼職曰：平其興，鄭謂縣官徵聚物曰興，非也。春飢發以濟民，秋收斂以還官，新阡，新自他處遷來，聽安置也，無征役，恤其困也，以地之墾惡爲等，謂所受或上地、中地、下地，免征以是爲差。

稍人下士四人，史二人，徒十有二人。

距王城三百里曰稍。載師職云：家邑任稍地，蓋三百里內也。稍人主治稍之軍政，受節制于縣師。蓋六鄉之衆，掌之司徒；六遂之衆，掌之遼人；稍縣都鄙之衆，掌之縣師。稍人專掌稍地之衆。

稍人掌令丘乘之政令。若有會同師田行役之事，則以縣師之灋作其司徒。輦局輦帥而以至，治其政令，以聽於司馬。大喪，帥廛車與其役，以至，掌其政令，以聽於司徒。

小司徒職云：四井爲邑，四邑爲丘，四丘爲甸，甸出兵車一乘。曰丘乘，政軍政，縣師所掌稍外之衆有軍旅。

則帥其衆受法于司馬。稍人亦以縣師之法起其同行之徒。帥而至。廛車解見。遽師。凡葬事之廛車自六遂出。

委人中士二人。下士四人。府二人。史四人。徒四十人。委人猶鄉之遺人。掌遂外委積之事。

委人掌斂野之賦。斂薪芻。凡疏材。木材。凡畜聚之物。以稍聚待賓客。以甸聚待羈旅。凡其余聚以待頒賜。以式灋共祭祀之薪蒸。木材。賓客共其芻薪。喪紀共其薪蒸。木材。軍旅共其委積。薪芻。凡疏材。共野。委兵器。與其野。圍財用。凡軍旅之賓客館焉。

薪給炊爨芻食牛馬凡草可食用者皆曰疏材木可食用者皆曰木材果蓏蔬菜之類皆謂畜聚之物稍三百里遠以待賓客旬二百里近城以待驛旅凡通縣都余餘同所用畜聚之餘以待賞賜野委兵器守六遂委積之兵器野圉財用山澤苑囿脩築之財用軍旅之賓客皆于委人館者資薪芻也

按鄉之遺人所積多穀粟而遂之委人所積惟疏材者野外近山澤以多者言非遺人無薪芻委人無穀粟也是書之法多互見他可類推

土均上士二人中士四人下士八人府二人史四人胥

四人徒四十人

亦猶六鄉之有均人也

土均掌平土地之政以均地守以均地事以均地貢以和邦國都鄙之政令刑禁與其施舍禮俗喪紀祭祀皆以地燬惡爲輕重之凜而行之掌其禁令

政征也地守謂虞衡之屬地事謂農圃之事地貢謂邦國九貢和調和適中禮俗謂禮因民俗

按遂之土均與鄉之均人事亦互見

草人下士四人史二人徒十有二人

掌糞田之法然已細矣是書之義大抵貴富強故凡

可以盡地之利者無不爲

草人掌土化之灋以物地相其宜而爲之種凡糞種駢
剛用牛赤緹低用羊墳壤用麋渴澤用鹿鹹渴昔用貍
散勃壤用狐埴質壚用豕彊藥平用糞輕熨票用犬

土化瘠土化肥物辨別也糞種取禽獸糞以培種土
有色駢而剛者有色赤如緹者有墳起而柔壤者有
汙下爲渴澤者有渴滷而味鹹者有勃起爲塵壤者
有黏埴而壚黑者有彊梗不柔和者有輕脆不堅重
者牛羊鹿豕狐豕犬皆用其糞糞麻子山澤多禽獸
各取其糞以糞田也

按土之宜糞人皆知之謂某獸糞宜某土則伎方之
誕說不足盡據也鄭謂煮禽獸之肉取汁漬種或謂
焚其骨爲灰壅之皆求其說不得而曲爲解也且曰
非通神明之德者無以與此豈其然乎

稻人上士二人中士四人下士八人府二人史四人胥
十人徒百人

掌種稻之法五穀惟稻爲貴

按周制徹田而民助耕王無私稼惟藉田則既有天
官之甸人矣此稻人百徒將焉用之

稻人掌稼下地以渚畜水以防止水以溝蕩水以遂均

水以列舍水以澮寫水以涉揚其芟作田凡稼澤夏以水殄草而芟夷之澤草所生種之芒種旱暵共其雩斂喪紀共其羣事

稼言嫁播種似嫁女生息曰稼下地水澤之地稻宜水潴陂池防隄也溝以通潴蕩流也田首受水小溝曰遂田中畦埒曰列舍猶停也有畦埒水乃可停田尾大溝曰澮寫洩也人在水中曰涉芟取萊草揚水中使浥爛也作凍治也稼澤種澤田也夏暑雨積水渰滅其草而芟夷其根此芟本田之草而上文揚芟取于萊地之草也澤草生水草之地芒種稻有芒者

性易生。今湖鄉多種之。鄭謂麥非也。麥性不宜水。此直言稻耳。曠旱氣暘。禱雨祭。四月龍星見而暘。旱則數雩。稻人斂其費以稻。尤畏旱也。葦蘆也可爲席。喪事蓋藉多用之。

土訓中士二人。下士四人。史二人。徒八人。

習知其土地。愚物大軍所止。用以防姦。

土訓掌道地圖。以詔地事。道地。愚以辨地物而原其生。以詔地求王巡守。則夾王車。

道地圖。陳說山川形勢。詔地事。告以區處之宜。道地。愚地所有。隱伏惡物。陳說辨別也。原其生。知其所在。

與其所從來也。詔地求告捕也。王巡守至其地。夾王車。詔愿也。

按天子所至。除道警蹕。何地愿之有。苟猜疑生而蒐求過甚。則有法外之奸。城狐社鼠。豈土訓所能道。凡此皆申商之意。周公不爲也。

誦訓中士二人。下士四人。史二人。徒八人。

掌習知地方情僞者。

按職事與土訓畧同。有土訓。此職可省也。

誦訓掌道方志。以詔觀事。掌道方愿。以詔辟忌。以知地俗。王巡守則夾王車。

道方志謂陳說地方舊誌往蹟觀巡視也方慝地方
妖怪瘴癘俗所避忌者

按土訓土誦本迂闊猜忌之政其文義各了然解者
紆鑿以求合于先王之觀不知其爲權謀之說耳

山虞每大山中士四人下士八人府二人史四人胥八
人徒八十人中山下士六人史二人胥六人徒六十人
小山下士二人史一人徒二十人

虞度也山澤隱穢故須度山生金玉禽獸草木之類
度材設虞以時禁取

按虞官肇自唐虞洪荒初啓草木鳥獸之害未遠故

官以司之。後世因緣爲利。設撻克之吏。守之爲網羅之禁。收之如孟子所謂澤梁之禁。爲阱于國中。衰世之事。而是書以爲體國經野。設官分職之要務。一山大者。官屬百有四人。中者七十四人。小者二十三人。邦畿千里。山林不知幾。假令大山十。則官屬千四十人矣。大山百。則官屬萬四百人矣。而中小不與。益以澤虞。川衡。林衡。深山窮谷。車馬絡繹。魚竭于澤。鳥亂于林。雖桀紂幽厲之貪虐。未有如斯其甚者。豈周公之良法與。

山虞掌山林之政令。物爲之厲。而爲之守禁。仲冬。斬陽

木仲夏斬陰木。凡服耜斬季材。以時入之。令萬民時斬材。有期日。凡邦工入山林而掄材。不禁。春秋之斬木。不入禁。凡竊木者。有刑罰。若祭山林。則爲主而脩除。且蹕。若大田獵。則萊山田之野。及弊田。植虞旗于中。致禽而珥焉。

厲。遮列也。各物有蕃界。設禁令守之。仲冬仲夏。官取材之期。山南曰陽。山北曰陰。寒斬陽木。陰勝陽也。暑斬陰木。陽勝陰也。服。謂車轅耜耒耜二木持力而曲。宜柔韌。故用季材。季。柔穉也。時入。以時取而藏之時。斬材。謂草木零落。斧斤入山林。有期日。妨盡取也。邦。

工謂國用掄擇也不禁不拘日春秋斬木謂民間取材斬之四野不入所禁之山林也爲主山虞爲祭主脩除治道路壇場蹕止行人大田獵王田也除草曰萊弊止也謂田畢虞旗山虞所建旗植田中獲者各致禽于旗下校多寡獲禽者割禽左耳計功曰珥

林衡每大林麓下士十有二人史四人胥十有二人徒百有二十人中林麓如中山之虞小林麓如小山之虞衡平也平治其政令麓山足徒多于山者林木深阻巡視勤採伐用役多也餘見前

林衡掌巡林麓之禁令而平其守以時計林麓而賞罰

之若斬木材則受灋于山虞而掌其政令

平其守如大林麓則下士十二人分徒均守中小次之稽蕃茂防竊伐也賞罰論守者功罪也受灋于山虞受其時入之法也

川衡每大川下士十有二人史四人胥十有二人徒百有二十人中川下士六人史二人胥六人徒六十人小川下士二人史一人徒二十人

流水曰川

川衡掌巡川澤之禁令而平其守以時舍其守犯禁者執而誅罰之祭祀賓客共川奠

時謂當漁時舍其守弛禁也四時唯夏不漁季冬大
漁王制云獺祭魚然後虞人入澤川奠謂水族可奠
獻者蜃蛤之類

澤虞每大澤大藪中士四人下士八人府二人史四人
胥八人徒八十人中澤中藪如中川之衡小澤小藪如
小川之衡

停水曰澤澤乾曰藪

澤虞掌國澤之政令爲之厲禁使其地之人守其財物
以時入之于王府頒其餘于萬民凡祭祀賓客共澤物
之奠喪紀共其葦蒲之事若大田獵則萊澤野及弊田

植虞旌以屬禽

屬禁解見山虞地之人謂占取澤中財物者入王府珠貝皮角之類餘見前蒲葦可爲席屬禽猶致禽

迹人中士四人下士八人史二人徒四十人

迹鳥獸之跡捕逐之名迹人禁非時捕取者

迹人掌邦田之地政爲之屬禁而守之凡田獵者受令焉禁麇卵者與其毒矢射者

受令謂令獵時與獵地麇獸子卵鳥卵月令孟春不麇不卵餒獸之藥毋出九門

什殍人中士二人下士四人府二人史二人胥四人徒

四十人

卅礦通土生五金曰礦

卅人掌金玉錫石之地而爲之厲禁以守之若以時取之則物其地圖而授之巡其禁令

物其地圖謂畫其所在地形求之

角人下士二人府一人徒八人

掌徵齒角骨于山澤之農

按自角人至掌廩七職取之盡錙銖矣每事官屬二十餘人少者亦十人卽謂用不可缺官屬不可損乎角人掌以時徵齒角凡骨物於山澤之農以當邦賦之

政令以度量受之以共財用

山澤居民以採捕爲農業無夫田之稅以山澤所有當邦賦度量計齒角骨物長短多寡也

羽人下士二人府一人徒八人

羽鳥羽染以爲后車及旌旗之飾

羽人掌以時徵羽翮之政于山澤之農以當邦賦之政令凡受羽十羽爲審百羽爲搏搏與翮音近十搏爲縛縛與翮音近

翮羽本也爾雅云一羽謂之歲十羽謂之縛百羽謂之緡羽不可度量紀其數而已

掌葛下士二人府一人史一人胥二人徒二十人

掌採葛材

掌葛。掌以時徵絺綌之材于山農。凡葛征。徵草貢之材于澤農。以當邦賦之政令。以權度受之。

葛精者曰絺。麤者曰綌。凡葛征。結上文。謂凡山農之供葛者。皆掌其征。草麻屬。權度計葛麻輕重長短。

掌染草。下士二人。府一人。史二人。徒八人。

染草。如藍。靛。皂。斗之屬。

掌染草。掌以春秋斂染草之物。以權量受之。以待時而頒之。

待時。如天官染人。秋染夏之類。

掌炭下士二人史二人徒二十人

木石之燼皆謂炭

掌炭掌灰物炭物之徵令以時入之以權量受之以共邦之用凡炭灰之事

灰煨石爲灰澣漚塗砌之用炭木炭用以炙

掌荼徒下士二人府一人史一人徒二十人

荼茅秀葬用爲茵著易大過曰藉用白茅大過棺槨之卦

掌荼掌以時聚荼以共喪事徵疏材之物以待邦事凡畜聚之物

既夕禮曰。茵著用荼。縫緇布爲褥。著茅秀其中。鋪墳底。縮二橫三。乃下棺。野疏材可食者。徵之。入于委人。以待邦事。皆蓄聚之物。

掌蜃。下士二人。府一人。史一人。徒八人。

蜃。大蛤。其甲可爲炭。飾白。

掌蜃。掌斂互物蜃物。以共閭壙之蜃。祭祀共蜃器之蜃。共白盛之蜃。

蚌蛤之屬。甲交合曰互。互物。卽蜃。蜃物。凡用蜃飾之物。閭。塞也。壙。葬穴。將井椁。先以蜃灰塞其下。禦濕。蜃器。以蜃甲飾器。盛胙肉也。胙。曰脰。蜃通。白盛。凡盛物。

月者完解 卷四 四二
白器鄭註盛成也以廬灰飾牆

圉人中士四人下士八人府二人胥八人徒八十人

圉苑也掌養鳥獸

圉人掌圉遊之獸禁牧百獸祭祀喪紀賓客共其生獸死獸之物

圉遊苑圉遊觀之處禁蕃衛也

場人每場下士二人府一人史一人徒二十人

場節圃種果蓏蔬菜之地秋平治爲場以納稼故曰場

按場圃地利幾何既有大宰九職之賦大司徒閭師

之貢又設場人每場官役二十四人除九州內名山
大澤在侯國勿論卽王畿千里家有場場有官豈勝
其擾抑任民之外官自有場邪一官所司場若干目
又不詳昔人謂瀆亂不驗其斯之類

場人掌國之場圃而樹之果蓏珍異之物以時斂而藏
之凡祭祀賓客共其果蓏享亦如之

果棗栗之屬菰瓜瓠之屬珍異不常有之種賓客謂
燕饗享謂饋獻

廩人下大夫二人上士四人中士八人下士十有六人
府八人史十有六人胥三十人徒三百人

藏米曰廩任重事煩故官尊徒多此下皆養事屬地官

廩人掌九穀之數以待國之匪頒賜稍食以歲之上
下數邦用以知足否以詔穀用以治年之凶豐凡萬民
之食句食者人四鬴上也人三鬴中也人二鬴下也若
食不能人二鬴則令邦移民就穀詔王殺鬴邦用凡邦
有會同師役之事則治其糧與其食大祭祀則共其接
盛

匪頒均頒解見大宰九式稍食祿廩也凡萬民之食
結上言食者以口計食六斗四升曰鬴金通二三四

皆以一月計以歲所入計每月食之多寡知年之上中下糧乾饌食糗糧接盛以器承接盛之鄭作扱鑿也

舍人上士二人中士四人府二人史四人胥四人徒四十人

舍宮也掌宮中康米地產故不屬天官

舍人掌平宮中之政分其財守以灋掌其出入凡祭祀共簠簋實之陳之賓客亦如之共其禮車米宮米芻禾粢紀共飯米熬穀以歲時縣種稌之種以共王后之春獻種掌米粟之出入辨其物歲終則會計其政

宮中之政謂宮中用米之政分其財守分送其米于
宮中有司守之簠簋實陳與上庖人接盛互見方曰
簠圓曰簠其禮供饗餼之禮車米筥米筥盛米載
以車芻禾飼牛馬供焚爨皆賓客饗餼之禮喪共飯
米謂舍米沐米熬穀士喪禮熬黍稷喪大記熬君四
種鐻棺旁或蚍蜉也歲時秋收時縣置之風燥處先
種後熟曰種後種先熟曰種王后春獻種勸王耕藉
也見內宰職辨其物辨別九穀

舍人中士四人下士八人府二人史四人胥四人徒四
十人

藏穀曰倉

倉人掌粟入之藏辨九穀之物以待邦用若穀不足則止餘瀆句用有餘則藏之以待凶而頒之凡國之大事共道路之穀積食飲之具

九穀謂黍稷稻粱麻大小豆大小麥止餘瀆謂支用外常法當有羨餘歲儉僅取足用不責羨餘也歲豐用餘則藏以待凶年國之大事謂喪戎

司祿中士四人下士八人府二人史四人徒四十人主頒祿凡在官者皆給之粟故繼倉人

司祿

事關

司稼下士八人史四人徒四十人

稼，稼也。如嫁女，蕃生也。在田曰稼。斂，曰稽。掌巡視豐歉。

司稼掌巡邦野之稼而辨種稂之種，周知其名，與其所宜地，以爲灋。而縣于邑閭，巡野觀稼，以年之上下出斂。灋，掌均萬民之食而調其急，而平其興。

出斂，灋示民免除之數，平均也。興，發也。發倉粟賑貸。春人奄二人，女春，抗由二人，奚五人。

春，搗穀爲米中饋，故用奄女抗掄同。杼米出曰。詩云：

或者或掄

按曰杵之事細矣而必設官既設官矣又止女奚六
七人曰舂幾何祭祀賓客牢禮饗食皆取給孟子所
謂千室一陶也昔人云瀆亂不驗亦此類

舂人掌共米物祭祀共其盥盛之米賓客共其牢禮之
米凡饗食共其食米掌凡米事

米藏于廩皆舂人舂之

饌

一作傳
音職

人奄二人女饌八人奚四十人

饌饌同炊飯供王及后食不繫于天官地產也

饌人掌凡祭祀共盛共王及后之六食凡賓客共其簠

簋之實饗食亦如之

盛飯也六食內則謂黍稷稻粱苽麥藎藟之實亦謂飯

稟人奄八人女稟每奄二人奚五人

稟犒通以食賞勞曰犒八奄共女稟十六人奚四十人

稟人掌共外內朝冗能食者之食若饗耆老孤子士庶子共其食掌養養祭祀之犬

外朝雉門外王詢萬民于此中朝路門外治事內朝路寢待公族冗食凡在官衆役之食士庶子卿大夫

子弟宿衛者祭祀之犬畜之秋官犬人臨祭養于橐
人馬牛羊入于充人犬獨入橐人者犬穀食也穀食
曰豢

按自春人以下事瑣而各設官說者謂勤小物惟聖
人能盡制夫必瑣瑣而後監制則周禮所遺者尚多
也大似閭閻負販家什物簿而耳食者謂從廣大心
胸流出諛也

右地官之屬共職七十有八外關司祿一職通計公
三人卿七人大夫二百三十六人上士九百四十六
人中士三千九百六人下士一萬八千四百人府一

百九人史二百三十一人胥二百七十四人徒三千二百四十八人奄十有二人女一百一十有一人約共二萬七千四百八十三人而各市肆之胥師賈師等與各山林川澤虞衡等各場圃場人等各司門司關等與其屬尚多不載從古設官分職未有若是其濫者昔人謂瀆亂不驗誠然

周禮完解卷四終